

**HANDES AMSORYA**  
**ZEITSCHRIFT FÜR ARMENISCHE PHILOGIE**

**ՀԱՆԴԵՍ ԱՄՍՕՐԵԱՅ**

**ՀԱՅԱԳԻՏԱԿԱՆ ՌԻՍՈՒՄՆԱԹԵՐԹ**

**ԲՈՎԱՆԴԱԿՈՒԹԻԻՆ**

ԷԶ

Ալիմեան Հ. Ն. Բիւրասպի Աժդահակ եւ համայնական Մազդակ հայ աւանդական մէջ ըստ Մովսէս Խորենացւոյ . . . . .	1
Հասարակեան Հ. Գ. Հայերէն Աւետարաններու սկզբնազրի հարցը եւ Ազաթանգեղոսի ու Լազար Փարպեցւոյ կոչումները . . . . .	22
Ալիմեան Հ. Ն. Նոյնէ վարդապետ եւ իւր Գառմուծիւնը Հայոց պատերազմի, թմական ուսումնասիրութիւն Սարուխան Բելգիա եւ Հայերը . . . . .	40
Թորգոմեան Դկո. Վահրամ Ե. Ժամօթագրութիւնը Ստամբուլ պատմութեան Երեմիա Չէլէպիի Էէօմիւրճիան Hofmann G. S. J.: Il vicariato Apostolico di Costantinopoli 1453—1830 (գրախօսած Հ. Դկո. Վահրամ Ինգլիզեան) . . . . .	67
Մատենագիտական տեղեկութիւններ 1934 տարւոյն (Հ. Դկո. Վահրամ Ինգլիզեան) . . . . .	80
Ամփոփում կարեւոր յօդուածներու ըզմանդակութեան (Ֆրանսերէն) . . . . .	106
	109
	127

**INHALT**

Seite

Akinian P. N.: Biuraspi Azdahak und der Sozialist Mazdak im armenischen Epos nach Moses K'orenac'i	1
Essabalian P. P.: Le modèle des Evangiles arméniens et les citations d'Agathange et de Lazar de Parpi	22
Akinian P. N.: Elisäus Wardapet und seine Geschichte des Armenischen Krieges	40
Saroukhan A.: Belgien und die Armenier	67
Thorgomian Dr. Wahram: Annotationen zu Eremia Čelebi's Geschichte von Konstantinopel	80
Hofmann G. S. J.: Il vicariato Apostolico di Costantinopoli 1453—1830 (besprochen von P. Dr. Vahan Inglisian)	106
Bibliographie des Jahres 1934 (von P. Dr. Vahan Inglisian)	109
Resumé der wichtigsten Abhandlungen (französisch)	127

**ՄԻԹԱՐԵԱՆ ՏՊԱՐԱՆ**  
**ՎԻԵՆՆԱ**



Herausgeber, Eigentümer und Verleger:

Mechitharisten-Kongregation in Wien, VII., Mechitharistengasse 4.

Druck der Mechitharisten-Buchdruckerei in Wien, VII., Mechitharistengasse 4.

# ՀԱՆԴԵՍ ԱՄՍՕՐԵԱՅ

## ՀԱՅԱԳԻՏԱԿԱՆ ՈՒՍՈՒՄՆԱԹԵՐԹ

ԹԻԻ 1—3

ՅՈՒՆՈՒԱՐ—ՄԱՐՏ

Ծ. ՏԱՐԻ 1936

### ՌԻՐԵՆՍԳԻ ԱԺԻՆՏՈՎ ԵՒ ՀԱՄԱՅՆՈՎՈՐԵՆ ՄԱՐՏԻԱՆ ՀԱՅ ԱՌԵՆԻԱՎԻԳԻ ՄԷՋ ԸՍՑ ՄԱՐՏԻԱՆ ԽԱՐԵՆՈՍԵՐՈՑ

Ա.

1. Մ. Խորենացու «Հայոց պատմութեան» գրութեան ժամանակի նկատմամբ իմ ուսումնասիրութիւններս բերած էին զիս այն համոզման, թէ Մովսէս ապրած է Ը. դարու վերջին եւ Թ. դարու առաջին քառորդին եւ «Հայոց պատմութիւնը» գրուած է իբր 810ին Հարաւային Հայաստանի իշխան Սահակ Բագրատունու հրահրածով<sup>1</sup>։ Ա. Չամինեան<sup>2</sup>, Յ. Մանանդեան<sup>3</sup> եւ Հ. Վ. Հացունի<sup>4</sup> ընդունելի չգտան իմ հաստատութիւնս։ Չամինեան Հայոց Պատմութեան գրութեան տարին 2. դարու վերջին քառորդին փնտռեց։ Մանանդեան Թ. դարու Բ. կէսին եւ Հացունի պնդեց թէ 669էն յառաջ<sup>5</sup> արդէն հրապարակի վրայ գոյութիւն ունէր «Հայոց պատմութիւնը»։ Մ. Խորենացի գրած է զայն

<sup>1</sup> Հ. Ն. Ակինեան, Մովսէս Խորենացու ժամանակն եւ անձնագրութիւնը։ Անահիտ Ա. Ն. Հ. (1929), Թ. 4, էջ 67—77։ Նոյն՝ Զեւոնդ երէց եւ Մ. Խորենացի. ի գիրս՝ Մատենադրական հետազոտութիւններ, Գ. (Վիեննա 1930), 127—291 = Հանդէս Ամսօրեայ, 1930, էջ 8—41, 129—156, 257—272 եւ 381—404։ Նոյն՝ Moses Khorenatzi, Die Abfassungszeit der Geschichte Armeniens und die Persönlichkeit des Geschichtsschreibers in neuem Lichte betrachtet, W. Z. K. M. 37 (1930), 204—217. Նոյն՝ M. Chorenaci ի գիրս՝ Pauly-Wissowa-Kroll, Real-encyklopädie, Suppl. VI (1935), 534—541.

<sup>2</sup> Ա. Չամինեան, Մովսէս Խորենացին. իր ժամանակը, ընկերակիցներն ու գործերը. Անահիտ Գ. (1931), Թ. 1—2, էջ 117—136։

<sup>3</sup> Յ. Մանանդեան, Խորենացու առեղծուածի լուծումը. Երեւան 1934։

<sup>4</sup> Հ. Վ. Հացունի, Մովսէս Խորենացին կը դառնայ ի Ե. դար. Բանաստեղծութիւն. Վենետիկ 1935։

<sup>5</sup> Հաւատարմած թէ «Մովսէս Կաղանկատուացու» Պատմութիւնն Աղուանից այս թուականին գրուած է։ Բայց ունէ՞ր այս Պատմութիւնը այժմեան խմբագրութեամբ Ժ. դարէն յառաջ գոյութիւն։ Աղուանից պատմութիւնը 4—5 զանազան հեղինակներէ զանազան ժամանակներու մէջ գրուած հատուածներու համագրութիւն մըն է անձանոթ խմբագրէ մը, որ հաւանորէն ԺԱ. դարուն ապրած է։ Այս մասին ընդարձակ այլուր։

«459—465 թուականաց միջեւ»։ Չեմ ուզեր վիճարանել այստեղ։ Կը հաստատեմ միւսանգամ, թէ 810էն յառաջ գոյութիւն չունէր Մ. Խորենացու Հայոց պատմութիւնը. եւ կ'աւելցնեմ թէ այն տեսած է խմբագրութիւն մը Աշոտ Մեծ Բագրատունու օրով, հաւանորէն Սահակ Մուշեղ Տայեցու ձեռքով. վերջին կէտս կը մնայ ինձ դեռեւս ապացուցանել պատեհ առթիւ։

2. «Հայոց Պատմութեան» Ա. Գրքի վերջը, արտաքոյ Գրոց գետեղուած է յաւելուած մը «ի Պարսից առասպելաց յաղագս Բիւրասպեայ Աժդահակայ» (էջ 89—92, տպ. Արեղեան-Յարութիւնեան)։ Այս Յաւելուածը նախնարար գետեղուած էր արտաքոյ Գ. Գրոց, «Հայոց Պատմութեան» չընթացէն դուրս։ Մ. Խորենացի կը գրէ. «այլ ծանիր գատեղութիւն մեր առ այսպիսի (առասպելական) բան. զի ոչ յառաջինս մեր ասացեալ գիրս եւ ոչ ի վերջինս բանս արժանաւորեցաք չարել, այլ զատ եւ որիչ» (90). այսինքն յարմար չդատեցինք այս մասը Ա. (կամ Բ. եւ) կամ Գ. գրոց մէջ գետեղել, այլ «զատ եւ որիչ», ուրոյն յաւելուածով մը գետեղեցինք արտաքոյ «Հայոց Պատմութեան»։ պէտք է իմանալ անշուշտ Գ. Գրքէն վերջը։ Այս միտքը կը յայտնէ հեղինակը նաեւ իւր Մեկենասին ուղղած հետեւեալ տողերու մէջ. «զի ի վերայ այլոց անհնարիցն՝ հնարաւոր վասն քո արարելոց մեր (այսինքն Ա.—Գ. գրոց գրութիւնը)՝ կատարեմք եւ զայս» (90). ուստի Հայոց Պատմութեան գրուելէն վերջը կատարած է Մովսէս իւր պաշտպանին այս խնդիրքն ալ։

Յաւելուածիս փոխադրութիւնը Ա. Գրոց վերջը կատարուած է խմբագրչի ձեռքով, որ տեսնելով Ա. Գրքի վերջին գլուխներու մէջ Աժդահակի պատմութիւնը, Բիւրասպի Աժդահակայ զրոյցն ալ գետեղած է անոր մերձաւորութեան։

3. Այս Յաւելուածին առաջին հատուածը

կը ներկայացնէ Պարսից Առասպելին կարեւոր դժեւը Բիւրասպի Աժդահակայ մասին. Բ. Հատուածը, որ «Ստորագրութիւն» խորագիրը կը կրէ, կու տայ «որ ինչ սակս Բիւրասպեայ հաւաստիք», այս ինքն Առասպելին պատմական ուղեւորութիւնը:

Աչքի կը դարնէ հոս այն իրողութիւնն, որ Խորենացոյ «Ստորագրութեան» մէջ նկատի առնուած «Բիւրասպի Աժդահակ» իւր նկարագրականութիւնը բոլորովին կը խոտորի այն «Բիւրասպի Աժդահակէն», զոր կ'ենթադրէ «Պարսից Առասպելը»: Կարեւոր կը համարեմ Ա. եւ Բ. Հատուածները ուսումնասիրել զատ զատ:

4. Մ. Խորենացի խօսքը ուղղելով իւր Մեկնասին՝ Սահակ Բագրատունոյ կը գրէ. «Բայց զի՞նչ արդեօք տարփանք քեզ եւ Բիւրասպեայ Աժդահակայ փծուն եւ անճոռնի առասպելքն իցեն. եւ կամ է՞ր սակս զմեզ Պարսից անյարմար եւ անո՞ճ բանից, մանաւանդ թէ առաւել վասն անբանութեան՝ առնես աշխատ»:

1. եւ անրարի առաջնոյ նորա (Բիւրասպ Աժդահակայ) բարերարութեան.

2. եւ դիւաց մեա սպասաւորութեան («մանուկ սատանայի, ասեմ, սպասաւորելով՝ լինէր կամակատար»):

3. եւ ոչ վրիպեցուցանել կարելոյ զվրիպեալն եւ գտուտն.

4. եւ ուսոցն համբուրումն («պարգեւ ի մեմնէ խնդրեալ՝ համբուրէր գումն»):

5. եւ անդուստ վիշապացն ծնունդ.

6. եւ յայնմհետէ չարութեան յառաջութիւն.

7. ծախել զմարդիկ ի պէտս որովայնի («անբաւ մարդիկ սկսաւ գոհել դիւաց»):

8. իսկ ապա եւ Հրուդեմայ ումեմն գնա կապել սարեօք պղնձեօք.

9. եւ ի լեառնն տանել որ կոչի Դըմբաւրնդ.

10. այլ եւ ի մանապարհի մնջելն.

11. եւ տանել գնա յայրս ինչ լեռնն եւ կապել.

12. եւ գիմֆն (Հրուդէն զպատկեր իւր) անդրի ընդդէմ նորա հաստատել.

13. յորմէ պակուցեալ՝ հնազանդեալ կայ շփախցն.

14. եւ ոչ գորէ ելանել եւ ապականել գերկիր»:

5. Արդէն շատ անգամ հաստատուած է, թէ Մ. Խորենացի այս 1—14 կէտերու մէջ

ամփոփած է Իրանեան Հին աւանդավէպ մը, զոր Ժ. դարուն լսած է նաեւ Ֆիրդուսի Նոյն «ի Պարսից առասպելաց» եւ ընդարձակած է իւր բանաստեղծի գրչով Շահնամէի առաջին Գրքի մէջ իբրեւ Զոհակի պատմութիւն:

Առասպելս, որ Հիւսնի իրեն Իրանեան ծագումէ աւանդավէպ մը, ընթացք առած է Իրանէն եւ անցած է ժողովուրդէ ժողովուրդ, շատ սիրուած է մանաւանդ Կովկասեան ազգերու քով, որոնք աւանդած են Նոյնը այլ եւ այլ գունաւորմամբ: Հայոց Արտաւազդի, Շիրազի եւ Միհրի, Վրաց Ամիրանի եւ Յունաց Պրոմէթէոսի աւանդավէպերը յէականն կ'ընդգրկեն զիրար եւ Իրանեանին հետ կապ ունին:

6. Մովսէս Խորենացի, որ յառաջ կը բերէ զժկամութեամբ այս աւանդավէպը «ի Պարսից առասպելաց», լսած է զայն ոչ թէ ուղղակի Պարսից բերնէն, այլ հայ ժողովրդեան «առասպելներէն», թէ եւ կը լռէ խոստովանիլ այս աղբիւրը: Ինչ կը թուի թէ մենք ունինք հոս «Բիւրասպի Աժդահակ» աւանդավէպը շատ Հին հայերէն թարգմանութեամբ, որ իւր հնութեամբ ժամանակակից է Արշակունեան շրջանի այն հայերէն անդիր գրականութեան մնացորդներուն, որոնք պահուած են Փաւստոս Բիւզանդի, Մ. Խորենացոյ եւ Գրիգոր Մագիստրոսի քով:

Երկարմատեան վարդապետութեան ծրնունդն է աւանդավէպս. բարեւոյ եւ չարի կոիւր կը ներկայացնէ: Զանգիկ զրաւանութիւնը խօսելով Հրուդէնի (Θραεταona) մասին կ'ըսէ. «անիկա էր, որ սպաննեց Դահակ Վիշապը, որ երեք երախք, երեք դուռի, վեց աչք եւ հազար գգայարանք ունէր, այն հզօր, դիւական գազանը, զոր ստեղծած էր չար դէւը ի ֆրաւս երկրաւոր ֆակներու՝ ապականելու համար արդարներու ժողովուրդը»:

Ֆիրդուսի աւանդավէպին պատմական հանդերձ զգեցնելով՝ այսպէս կը ներկայացնէ. թեհմուրազ թագաւորի գահին վրայ կը բազմի անոր որդին Զեմշուդ: Անիկա կը թագաւորէ Իրանի վրայ 700 տարի: Բովանդակ տիեզերքը կը հպատակէր անոր. կը հնազանդէին անոր հրամաններուն նաեւ դէւերն եւ ոգիները: Անիկա ծագկեցուց Պարսկաստանի մէջ քաղաքակրթութիւնը. հպարտացաւ, եւ ուղեց որ մարդիկ իրեն ինչպէս Աստուծոյ երկրպագութիւն մատուցանեն:

Նոյն ժամանակները Տաճկաստանին կ'իշխէր բարեպաշտ թագաւոր մը Մերդաս ա-

նուն: Անիկա Դահակ (Զոհակ) անուն որդի մ'ունէր, որ նաեւ Բիւրասպ կը կոչուէր, վասն զի տէր էր 10.000 ոսկեաման ձիերու: Իբլիս դեւը թելադրեց իրեն, որ սպաննելով հայրը՝ ինքը նստի անոր գահին վրայ: Դահակի համաձայնութիւնն առնելով Իբլիս՝ Մերգաս թագաւորը խոր փոսի մը մէջ կը գլորէ եւ կը սպաննէ: Հայրասպանն Դահակ կը տիրանայ գահին: Իբլիս այս անգամ գեղադէմ երիտասարդի կերպարանքի տակ կը ներկայանայ Դահակի եւ իբրեւ խոհակեր կը մտնէ անոր ծառայութեան: Կը պատրաստէ իւր տիրոջ համար անասուններու մսով կերակուր. առաջին անգամն էր, որ Միսը իբրեւ սնունդ սեղանի վրայ կը հանուէր: Այս ծառայութեանց փոխարէն կը խնդէր Իբլիս թագաւորէն, որ թոյլ տայ իրեն համբուրել անոր ուսերը: Դահակ կամակատար կ'ըլլայ: Խաւարի ոգւոյն համբուրէն Դահակի ուսերուն վրայ սեւ վիշապներ կը բուսնին: Կը հրամայէ թագաւորը, որ կտրեն վիշապներու գլուխները. բայց անօգուտ. անոնք նորէն կ'աճին: Բժիշկները անձեռնհաս կ'ըլլան դարման տանիլ: Իբլիս բժշկի կերպարանքով կը մերձենայ Դահակին, խորհուրդ կու տայ անոր, որ մարդկային ուղեղով կերակրէ վիշապները. կը յուսար չար դեւը, թէ այս եղանակով պիտի ջնջուին աշխարհէն մարդիկ:

Այս միջոցին Իրանի մէջ ապստամբութիւն մը կը ծագի. ամբոխը կը հալածէ Ջեմշուդը: Անոր տեղ Իրանի թագաւոր կը հրաւիրուի Դահակ: Հազար տարի կը թագաւորէ Դահակ Իրանի գահին վրայ. անթիւ չարիքներ կը կատարէ: Անոր վիշապները կերակրելու համար օրական երկու մարդ կը զոհէին:

Երբ կը կատարուէին այս չարիքները Իրանի մէջ, Ջեմշուդի ցեղէն կը ծնի Փերիզուն (Հրուդէն): Սա իւր հօրը՝ Ջեմշուդի սպանուելէն ետքը կը թագչի անտառի մը մէջ. զինքը կը կերակրէր Պերմայէ կոչուած զարմանալի կովը: Երբ այս տեղ ալ կը հետապնդուի Փերիզուն Դահակի ծառաներէն՝ մօրը հետ կը փախչի Հնդկաստան եւ փարս հովուի մը քով ապաստան կը գտնէ: Փերիզուն լսելով մօրմէ թէ Թեհմուրազ թագաւորի ցեղէն է եւ այս պատճառաւ կը հալածուի Դահակէն, կ'երգնու իւր հօրը վրէժը լուծել անկէ: Դէպքերը կը նպաստեն իրեն: Կուէ, Սպահանցի դարբին մը, որուն 17 որդիները կեր եղած էին Դահակի վիշապներ-

ուն, տեսնելով որ իր վերջին որդին ալ պիտի զոհուի, կը բարձրացնէ իւր դարբնի կաշեայ գոգնոցը նիզակի ծայրը եւ անցած ամբոխի գլուխը կը քալէ չարագործ Դահակի վրայ. ամբոխին կը խառնուի Փերիզուն, զինուած ահագին լախտով մը, որ կովի գլխու մեծութիւնն ունէր: Ապստամբները զինքը իրենց առաջնորդ կ'ընտրեն: Կ'ընդհարուին անոնք քանիցս Դահակի զօրքին հետ. ի վերջոյ կը յաջողի Փերիզուն իջեցնել իւր լախտը Դահակի գլխուն եւ գետին կը կործանէ զանիկա: Բայց Սերոշ հրեշտակը խորհուրդ կու տայ իրեն, որ փոխանակ սպաննելու Դահակը՝ քալէ տանի զանիկա Դեմաւենդ լեռը եւ հոն խոր այրի մը մէջ բեւեռէ ժայռի մը: Փերիզուն կը հետեւի խորհուրդին: Դահակ բեւեռուած է հոն ժայռի մը. ու երբեմն երբեմն կատղելով յառաջ կը բերէ երկրաչարժներ: Այսպէս Ծիրդուսի:

Ծիրդուսի անծանօթ մնացած է աւանդավային այն տեղին, ուր կ'ըսուի թէ Հոուդէն «զինքն անդրի ընդդէմ հաստատել, յորմէ պակուցեալ՝ հնադանդեալ կայ շղթայիցն»: Թէ հայ աւանդավէպը «Պարսից առասպելի» մէկ հարազատ գիծը պահպանած է, կը տեսնուի Իբն ալ-Փաքիհ ալ-Համադանի արար աշխարհագրին հաղորդած նոյնանման տեղեկութենէն, որուն համաձայն Աֆերիզուն (Հրուդէն) զԲեւարաֆ Դարբնաց գիւղ կոչուած լեռան վրայ բանտարկելէն եւ հսկողութեան յանձնելէ ետքը «անոր (Բիւրասպի) առջեւ Աֆերիզունի նմանութիւնը կանգնել տուաւ լեռան քարանձաւի մը մէջ եւ զանիկա այս պատկերով կապեց»:

Ինչ որ կը պատմէ Իբն ալ-Փաքիհ լեռան չուրջը գտնուող դարբններու մասին, նոյն կը հնչէ այն առասպելին հետ, նկատմամբ Արտաւազդի, զոր յառաջ կը բերէ Մ. Խորենացի, Բ. 61: Արտաւազդի զրոյցը ունի իր մէջ գծեր, որոնք կապ ունին Ափղահակի զրոյցին հետ. «Զրուցեն զամանէ եւ պատաւունք, եթէ արգելեալ կայ յայրի միում, կապեալ երկաթի շղթայիւք. եւ երկու չունք հանապաղ կրծելով զշղթայսն՝ ջանայ ելանել եւ առնել վախճան աշխարհի. այլ ի ձայնէ կռանահարութեան դարբնաց զօրանան, ասեն, կապանքն: Վասն որոյ եւ առ մերով իսկ ժամանակաւ բաղումք ի դարբնաց զհետ երթալով առասպելին՝ յաւուր միաշաբաթով երիցս կամ չորիցս բախեն զսան, զի զօրացին, ասեն, շղթայքն Արտաւազդայ»:

Դրմբաւընդ լեռան ստորոտը տեղի ունեցած կռահահարութիւնը փոխադրուած են նաեւ Մասեաց ստորոտը Աժդահակի առասպելին հետ, որ հոս նաեւ Արտաւազդի մերձեցուցած է պառաւներէ ոմանց բերանը:

6. Վկայ են այս հնութեան առասպելին անուններն եւ բառարանը, զորոնք Մ. Խորենացի զփռարաւ թէ Թ. դարուն ինքնին հայացուցած ըլլայ պարսիկ գրաւոր կամ անգիր աղբիւրէ մը: Անունները աւանդուած են հին ուղղագրութեամբ եւ բառերու ընտրութիւնը կը կրէ դասական շրջանի կնիքը, այն նկարագիրը, որ յատուկ է հին երգերուն:

#### ԱՆՈՒՆՆԵՐ

Աժդահակ աւանդալէպին չար ոգին է. անոր զանդիկ ձեւն է *aži dahāka* (ուղղական՝ *ažiš dahākō*), այն է «Իժ Դահակ». պաղենտի մէջ եղած է *ažidahāk*, նոր պարսկ. *aždahā*, արաբացած՝ *Dahhāk* (*Zohak*): Հայ տառադարձութեան հնութեան վկայ է Եւսեբեայ Քրոնիկոնի Թարգմանիչը Ե. դարու առաջին կէսին, որ Մարայ *Ἀστὺργης* Թագաւորին անունը կը հայացնէ Աժդահակ (Հատոր Ա., էջ 101—102): Անունս նոր պարսկերէնէ փոխառութեամբ ունինք նաեւ Աժդահայ ձեւով, որ հսկայ, անձնեայ, քաջարի իմաստն առած է: Բառին սկզբնական նշանակութեան մասամբ ծանօթ կը ցուցնէ ինքզինքը Մ. Խորենացի, երբ կը գրէ թէ «Աժդահակը ի մեր լեզուս վիշապ է» (Ա. 30): Անունն մէջ «վիշապ» նշանակող մասն է ած-, զանդ. *aži-*, «իժ», որ իր կարգին կ'ենթադրէ սանսկրիտ *āhi-* «օձ, վիշապ», յունարէն *ἔχιν*, *ἔχιδνα*, հայերէն իծ, հնդեւրոպական *\*egwhi-* արմատէն զարգացած (*Hübschmann, Armenische Grammatik*, 450. Աճառեան, Արմատ. Բառագիրք, հ. բ. իծ): Այսպէս հնդեւրոպական ծագումը իժ բառը զանդիկէն փոխառութեամբ եղած է ած-. մերձաւոր արմատէ զարգացած է նաեւ հայերէն աւձ (հմտ. Աճառեան, Արմատ. Բառարան, Ը. բ.):

Բիւրասալի յորջորջումը, զոր կը կրէ Աժդահակ, կը ծագի զանդիկ *baevard + aspa*, բիւր (= 10·000) ասպ (= ձի) ունեցող. ասկէ է պահլաւերէն եւ պաղենտ. *Bēvarāsp*, նորպ. *Bēvarasp* անունը: Փիրդուսի Աժդահակը Իրանեան Թագաւոր ենթադրելով, անոր «Բիւրասալ» յորջորջանքը մեկնած է. «վասն զի ունէր բիւր ոսկեսանձ ասպ»: Մ. Խորենացի

բառիս ուղղական ձեւը գիտէ Բիւրասալի. նոյն ձեւով կ'անուանէ նաեւ Գրիգոր Մագիստրոս (Թուղթք, էջ 90): Այսպէս Բիւրասալի կարող ենք հնաձեւ մը նկատել, «Բիւրասպեան» իմաստով: Բայց Խորենացի երբ կը հոլովէ «Բիւրասպեայ», կը մոռնայ բառովը —ին եւ նմանութեան կը ձգտի «Վշտասպ, —եայ, Շաւասպ, —այ» հոլովածելին, մինչ ուղղագրոյն պիտի ըլլար «Բիւրասպույ»: Կարելի է սակայն մտածել նաեւ, որ անիկա լսած ըլլայ ժողովրդեան բերնին մէջ «Բիւրասպեայ» ձեւն ալ, ոչ սեռական հոլովով այլ իբրեւ ածական:

Ասպով կազմուած շատ անուններ ունինք, ամէնն ալ պահլաւերէնէ փոխառութեամբ. կը յիշեմ՝ Համազասպ, Շաւասպ, Վնասպ, Վշնասպ, Վշտասպ:

Բիւրասալի գործածուած է հոս ածականաբար. այսպիսի բարդութեամբ են՝ բիւրազդի, բազմանկիւնի, չորեքուսի, երկգիծի, միականի, բազմադիմի եւն:

Բիւրասպեայ համազոր է Բիւրասալի, նոյնպէս Բիւրասպեանը (հմտ. Համազասպեան): Թէ Բիւրասալի եւ թէ Բիւրասպեայ հին ձեւեր են, որոնք երեւան կու գան նաեւ դասական մատենագրութեան մէջ:

Հրուդէն ծագած է ճայնափոխութեամբ հին զանդիկ *θραεταονα-* ձեւէն, որ պահլաւերէնի մէջ եղած է *Frēlūn*, պաղենտի մէջ *Frēdūn* եւ նոր պարսկ. *Faredūn*, հմտ. յուն. *Φούρτων*, զօրագլուին Սանատրուկ Բ.ի, 114ին, որ գրուած է նաեւ *Φουρτουης* (*Justi, Namenbuch*, 331—332): Թ. դարուն պաղենտերէ կամ նոր պարսկերէնէ հայացնելով անունս հաւանորէն Փրեդուն պիտի ստացուէր. մինչ Հրուդէն հին պահլաւական ձեւի մը տառադարձութիւնն է, նոյն օրէնքով ինչպէս հրեշտակ (նաեւ հրշտակ), պհլ. *\*jirēštak*, պրս. *jirēšta*, հրամատար, պհլ. *framātar*, հրովարտակ, պհլ. *fravartak* եւն. Խորենացի պարսկերէն *Farrax*՝ անունը տառադարձած է *հոռոն + բուտ*. այսպէս նաեւ Սեբիոս *հոռոն* (պ. *Farruhan*), *հոռոն* յազատ = պ. *Farrux-zād*, *հոռոն* Սիւմիգդ, պ. *Farrux-Hormizd* եւն: Նոյն սկզբունքով նաեւ պ. *Faredūn* պիտի տառադարձէր *հաբեդուն*, *հոռեդուն*: Ըստ այսմ Հրուդէն համաձայն հին տառադարձական օրէնքին ճշգիւ տառադարձուած է, որուն համապատասխան է նաեւ յունարէնը *Φούρτων* (*Φουρτων* = Հրուդուն, Հրուդէն):

Դրմբաւընդ լեռը, որ Մ. Խորենացւոյ ընծայուած Աշխարհացոյցի մէջ (էական մասով Ե. դարու Բ. կէսէն) Դմբաւանդ ձեւով անդուած է (էջ 40, հրտ. Սուքրեան), եւ թովմ. Արծրունւոյ քով Դնբուինդ (38) կը գրուի, պահլ. *Damāvand, Dimbhāvand, Dabāvand* անունն է, որ նոր պարսկերէնի մէջ *Damāvand* եղած է. Դաբաւանդ գիտէ անունս նաեւ Գրիգոր Մագիստրոս («գիտեմ եւ զԲիրասպի ի լեաոն Դաբաւանդ, որ է Կենտոռոսն Պոիւղեայ» (էջ 90, 126, 127). Հիւքչման հնագոյն ձեւն կ'ենթադրէ *Dumbāvand* (Armenische Grammatik, 37). Հմմտ. եւ Marquart, Eranšahr, 127. պահլաւական *Dimbhāvand* ճշգիւ կը համապատասխանէ Դրմբաւանդ ընթերցուածին: Մ. Խորենացի Թ. դարուն հաւանորէն Դաբաւանդ լսած պիտի ըլլար Պարսիկ բերնէ:

#### ԲԱՌԱՐԱՆԸ

Անդրի, արձան իմաստով, ծագած է յուն. *ἀνδρία* (սեռ. *ἀνδριάντος*), արձան նկարէն, մարդկադէմ, ասկէ անդրիանդ (Եւս. Քր. Բ. 268), անդրիանտադործ (Ոսկ. Մատթ. Գ. 26) (*ἀνδριαντοποιός*), յաճախ կը գործածուի Ե. դարու մատենագրութեան մէջ:

«Ոչ եթէ անդրի ձուլել տեսանիցես» Ոսկ. Մատթ. 527: «Անդրի պատկեր կանգնել ումեք» Կոչ. Ընծ. 102: «զԱնդրիդ, ասէ, զամենազարդ... ոչ տաց դիւաց» Ոսկ. Ես. 296: «Ձամենայն տեղիս պատկերս եւ անդրիս նմանութեան իւրոյ ընդր նա» Եւս. Եկեղ. Պատմութեան, 88: «Անդրիագործ պատկեր» Ագաթ. 37:

Բառս կ'երեւայ թէ հին փոխառութիւն է յունարէնէ: Մ. Խոր. այս նախադասութեան նմանութեամբ ունի տեղիքներս:

«Վերստին շինեաց (զՄծբին) ... եւ զինքն սնդրի ի միջին հաստատեաց» Բ. 36: «Մեհեան շինեալ յԱրմաւիր՝ անդրիս հաստատէ արեգական» Բ. 8: «Բայց զանդրիսն զոր արար Վաղարշակ» Բ. 77:

Շատ հաւանական է որ «անդրի» հոս Խորենացւոյ յաւելուած ըլլայ. հնագոյն չըջանին «պատկեր» նախասիրուած պիտի ըլլար:

Ծախել. հմմտ. ի չարութիւնս ծախել դաւուրս Ոսկ. Մատթ. 128. յանգուտ գինչան ծախել. անդ, 330. զամենայն սպաս պաշտաման ի պատարագս ողջակիզացն ծախէր Բ. Մակ. Գ. 3 եւ այլն:

Յառաջութիւն չարութեան, դասականաց շատ սիրած մէկ բառն է, որ Խոր. քով անգամ մը միայն, եւ այն այս նախադասութեան մէջ, կը գործածուի: Հմմտ. Ոսկ. Ես., ընչիցն յաճախութիւն, 17. — չարեաց, 29, 337. — Թշուառութեանց, 42. — փառաց նորա, 166. — ուղղութեանց, 187. զ— անպղայութեան կողմն, 310. — կերակրոց, 345. յաճախութեամբ մեղաց, 418. զյաճախութիւնն ցուցցէ զխայթողութեանն, 92:

Պակնում. Հմմտ. Պակնուն եւ պարտասին, Ոսկ. Պաւլ. Ա. 85: Միթէ ոչ նստէին չուրջ՝ պակուցեալ պահապանքն, Ոսկ. Մատթ. Գ. 139: Քանզի պակուցեալք էին յահէն, Ոսկ. Մատթ. Գ. 117: Պակեաւ սիրտ ժողովողեանն, Յեսու Է. 5: Ձի մի պակիցեն յայնչափ զօրաց բազմութենէ, Բ. Մակ. Ը. 16:

Բառս ծանօթ է նաեւ Խորենացւոյ՝ աւելի «զարմանամ» ոչ-դասական իմաստով, հմմտ. Հիացեալ պակեաւ ինքնին թագաւորն (ընդ բեմբասացութիւնն Սահակայ), Գ. 65: Ահս պակուցանողս տարազուք յարձակմանց զմիմեամբք արկանեն, Ա. 11: (Ձանխուլ գործեալ չարիքն) յայտնին եւ աշխարհի առ ի մեղուցելոց պակուցումն, Գ. 25:

Սարիք. Հմմտ. Շապուհ «կապէր պատէր երկաթի սարեօք» զԱւետարանն յոր երդուաւ թագաւորն Արշակ, Բուզ. Դ. 16: Արձակեաց (Դրաստամատ) զԱրշակ ի կապանացն երկաթեաց, ի ձեռակապացն եւ յոտիցն երկաթոց եւ յանրոց պարանոցէն չղթայիցն սարեացն, անդ, Ե. 7: Ընչաւէտ կապեալ է ի հոգոց որպէս գշուն զի կապեալ է սարեօք (տպ. սարիւք), Վարք Հարանց, Բ. 648 (ձառք Նեղոսի):

Բնիկ հայերէն բառ է (տե՛ս Աճառեան, Արմ. Բառ., 4. բ.), որ գործածուած է միայն յիշեալ մատենաներու մէջ. եւ անգամ մը միայն Խոր. քով:

Վրիպեցուցանել. Հմմտ. Ոչ վրիպեցոյց զարդարութիւն իւր, Ծնն. ԻԴ. 27: Վրիպեցոյց զքեզ Տէր ի փառաց, Թիւք ԻԴ. 11: Առ ի վրիպեցուցանելոյ եւ արհամարհելոյ, անդ, ԼԱ, 16: Անօրէնութիւնք մեր վրիպեցուցին զայն, Երեմիա, Ե. 25: Ձի վրիպեցուցցէ եւ արկցէ ի թերահաւատութիւն, Ոսկ. Մատթ. Ա. 186: Գուցէ յանմահ բարութեանցն վրիպեցուցանիցեմք զանձինս, Ոսկ. Մատթ. Ա. 236: Ձի յայնմ գեղոյ վրիպեցուցցէ զքեզ, Ոսկ. Մատթ. Բ. 708: յԱստուծոյ օղնակաւնութեանցն կարիցէ վրիպեցուցանել, Ոսկ.

Ես. 12: Յուդիդ ճանապարհէ վրիպեցուցանել, Ոսկ. Ես. 175: Կարաց վրիպեցուցանել եւ խոտ(որ)ել, Ոսկ. Ես. 126: Միթէ յԱստուծոյ ինչ վրիպեցուցի, Ոսկ. Ես. 352 եւն: Ի բարւոք ակնկալութենէ վրիպեցուցէ, Եգնիկ, 105: Դիւթութեամբ... վրիպեցուցանէ զմարդիկ յԱստուծոյ ճշմարտութենէն, Եգնիկ, 184 եւն:

Խորենացի այլուր ամենեւին չի գործածեր բառս:

7. Առասպելի վերլուծութեան («ստորադրութեան») մէջ կը գրէ Խորենացի (91).

«Ասացեալն ի նոցանէ Բիւրասպի Աժդահակ < էր > առ Ներքովթաւ նախնի նոցա: Քանզի ի բաժանել լեզուացն ընդ ամենայն երկիր, ոչ խառն ի խուռն եւ ոչ անառաջնորդ այս լինէր, այլ աստուածայնով իմն ազնարկութեամբ գլխաւորք եւ ցեղապետք որոշեալք զիւրաքանչիւր սահմանս ժառանգեցին կարգաւ եւ զօրութեամբ: Եւ զայս Բիւրասպեայ հաւաստի անուն ճանաչեմ ես Կենտաւրոս Պիւռիդայ, ի քաղդէականի գտեալ մատենի: Սա ոչ քաջութեամբ քան թէ հարստութեամբ եւ ճարտարութեամբ զցեղապետութիւն ազգին իւրոյ ունէր, հնազանդեալ Ներքովթայ»:

Խորենացի Առասպելին պատմական գիծ մը տալու համար Բիւրասպի Աժդահակը կը ներկայացնէ իբրեւ Պարսից ցեղապետ, որ լեզուաց խառնակութենէն ետքը «ոչ քաջութեամբ քան թէ հարստութեամբ եւ ճարտարութեամբ» ձեռք բերած է «զցեղապետութիւն ազգին իւրոյ», եւ այն «հնազանդեալ Ներքովթայ»: Մասուգիի համաձայն «Ներքովթ կ'իշխէր Բաբելոնի իբրեւ կուսակալ Աժդահակայ Բիւրասպ կոչեցելոյ». կը գրէ Մասուգի (Morondj, I. հմմտ. Quatremère, Journal Asiatique, 1835, էջ 103). «Ջրհեղեղէն ետքը մարդիկ այլ եւ այլ երկիրներու մէջ հաստատուեցան. անոնց թուին մէջ էին նաեւ Նաբութեանք, որոնք Բաբելոնը շինեցին. եւ Քամայ ծնունդք; որոնք նոյնպէս բնակեցան նոյն աշխարհին մէջ եւ ունէին իրենց առաջնորդ զՆերքովթ որ էր որդին Քանանի, որդւոյն Սենքարեբի, որդւոյն առաջին Ներքովթի, որդւոյն Քուշի, որդւոյն Քամի, որդւոյն Նոյի: Այս բնակութիւնը տեղի ունեցաւ այն ժամանակ, երբ Ներքովթ կ'իշխէր Բաբելոնի, իբրեւ կուսակալ Աժդահակայ (Dzahhak) Բիւրասպ կոչեցելոյ»:

Ասկէ յայտնապէս կը տեսնուի թէ Մով-

սէս ունէր աչքի առաջ մեկնողական գրուածք մը, որ Աժդահակը որ եւ է կերպով Ներքովթի հետ կապակցութեան մէջ կը դնէր. նման աղբիւրէ մը ուսած կ'երեւայ նաեւ Մասուգի:

Բայց յայտնապէս Խորենացւոյ երեւակայութեան ծնունդն է Բիւրասպի նոյնացումը Կենտաւրոսի հետ. այս նոյնացման համար աղբիւր մատնանիչ կ'ընէ. «ի քաղդէականի գտեալ մատենի»:

«Կենտաւրոս Պիւռիդայ» կ'ենթադրէ Kευνταύρος Πυρετός = «Կենտաւրոս Պիւրետոս». Խորենացի «ի քաղդէական մատենի»՝ անուանս պատահած պիտի ըլլայ «Կենտաւրոսի Պիւռիդայ»՝ այսպէս սեռական հոլովով, որուն ուղղական ձեւը ենթադրած է «Կենտաւրոս Պիւռիդայ»: Խորենացի այլուր գիտութեամբ կամ անգիտութեամբ Կենտաւրոսը հայացուցած է «Յուշկապարիկ». «Անդէր տեսանել զՂապիթեայց եւ զՅուշկապարիկացն կոիւս ի վերայ Պերիթեայ հարսանեացն» (Բ. 63). բառական փոխ առնուած Սոյն Կալիսթենեայ Աղեքսանդրի վարքէն. «Եւ անդէր տեսանել զՂապիթեացն եւ զՅուշկապարիկացն կոիւսն ի վերայ Պերիթեայ (29. «Պերիթեայ» եւ «Պիրիթեայ») հարսանեացն եղեալ» (տպ. 27): Եւսեբեայ Քրոնիկոնի թարգմանիչը Կենտաւրոսը կը թարգմանէ Իշացուլ. «Իշացուլ եւ Ղապիթաց կոիւ: Իշացուլքն Թեոաղացւոց հեծեալք էին» (Բ. 128): Նոյն գրոց մէջ այլուր (Ա. 22) յուն. ἐπποχενταύρος կը թարգմանուի որ «զձիացուց յուշկապարիկ կերպարանս ունիցին» (ὅς ἐπποχενταύρους τῇν ἰδέαν εἶναι). այսպէս նաեւ Ոսկ. Պաւլ. Ա. 602 «զձիացուլն ի քմաց ստեղծանեն»:

Պիւռեոս Կենտաւրոս մը կը յիշէ Ովիդիոս (Այլար. 12, 449): Խորենացւոյ աղբիւրը անծանօթ է. յամենայն դէպս քաղդէական մատեննք չեն:

8. Խորենացւոյ մեկնութիւնը Բիւրասպի Աժդահակի մասին, թէ «Եւ այս (= դեւ) սովորեալ՝ որ զհարութիւնն նիւթէր, ուսուցանէր նմա ի տան եւ ի հրապարակս՝ անկասկած զգլուխն ի վերայ ուսոցն Բիւրասպեայ դնելով եւ խօսելով յազանջսն՝ ուսուցանէր զանբարի արուեստն. զոր յԱռասպելին մանուկ սատանայի, ասեն, սպասաւորելով լինէր կամակատար. եւ ապա վասն որոյ պարգեւ ի նմանէ խնդրեալ՝ համբուրէր զուստն», ուղղակի աւանդովէպէն վերցուած է այսը,

որ Ֆիրզուսի իբրևն է, որ խորհուրդ տուաւ Աժդահակին հայրը սպաննել եւ անոր գահին տիրանալ. «մանուկ սատանայի, ասէն սպասաւորելով՝ լինէր կամակատար», խորհնացւոյ ընդլայնումն է Առասպելին. սկզբնաղբին մէջ ըլլալու էր. «մանուկ այսոյն (կամ դիւի) սպասաւորեալ նմա (Աժդահակայ), լինէր սա կամակատար <կամաց նորա>»:

«Կամակատար» ունի անգամ մը Եգնիկ (91). «որ է հնազանդ եւ կամակատար»: Նաեւ Ագաթ. 299 խումբ մը ձեռագիրներու մէջ:

Սատանայ, որ ասորերէնէ փոխառութիւն է քրիստոնէական շրջանէն, կարելի չէ հետեւնոս հայուն աւանդովէսին մէջ ենթադրել: «Այս» իբրեւ չար ոգի կարող է հին ըլլալ. խորհնացի այլուր յառաջ բերած է Արտաւազդի առասպելէն տեղիքս. «զողացան զմանուկն Արտաւազդ եւ դեւ փոխանակ եղին» (Բ. 61):

Նոյն պարսիկ աւանդովէսէն է նաեւ «եւ ապա՝ վասն որոյ <— ասէն —> պարգեւ ի նմանէ խնդրեալ <գիւրն (կամ այսոյն)>՝ համբուրէր <դեւն> զուսն <Աժդահակայ>»: Այս համբոյրին հետեւութեամբ — վիշապներ կը բուսնին Աժդահակի ուսերուն վրայ: խորհնացի գայս մեկնել ուղեւով կը գրէ. «Իսկ վիշապացն բուսումն կամ կատարելապէս վիշապանալն Բիւրասպեայ որ ասի, է այս. քանզի անբաւ մարդիկ սկսաւ զոհել դիւաց. մինչեւ տաղտկանալ ի նմանէ բաղմութեանն եւ միաբանել ամենեցուն եւ հալածել. եւ փախչել նմա ի նախասացեալ լերինն կողմանս: Եւ ի սաստիկ վարելոյն... ի նմանէ»: Մնացեալը, զոր կը գրէ խորհնացի, Աժդահակի վէպին չի վերաբերիր: Այս տեղ ունինք Առասպելէն հետեւեալ տեղիքներն միայն.

Դեւն, որ կը սպասաւորէր Աժդահակի, փոխարէն կը խնդրէ, որ թոյլ տայ իրեն Աժդահակ՝ համբուրել ուսերը եւ նա թոյլ կուտայ. «վասն որոյ պարգեւ ի նմանէ խնդրեալ՝ համբուրէր զուսն». այս համբուրած տեղերէն վիշապներ<sup>6</sup> կը բուսնին: «Վիշապացն բուսումն» կը վերաբերի վէպին. խորհնացւոյ դրչէն է «կամ կատարելապէս վիշապանալն Բիւրասպեայ», վասն զի խորհնացւոյ ըմբռնմամբ «Աժդահակ վիշապ թարգմանի»: Մինչ

ըստ ստուգարանութեան է Վիշապ—Դահակ = Իծ—Դահակ:

«Ամբաւ մարդիկ սկսաւ զոհել (Աժդահակ)» ոչ «դիւաց», այլ ուսէն բուսած վիշապներուն ի կերակուր: խորհնացին Առասպելին միտքը չէ հասկցած:

Վէպին հարադատ մասն է. «մինչեւ տաղտկանալ ի նմանէ բաղմութեանն <մարդկան> եւ միաբանել[ա]լ ամենեցուն (ընդէմ նորա) եւ հալածել (զԲիւրասպի Աժդահակ) եւ փախչել նմա ի [նախասացեալ] (Դմբաււընդ) լերինն կողմանս: Եւ ի սաստիկ վարելոյն (բաղմութեանն) զնա՝ թօթափեցաւ ամբոս նորա ի նմանէ»: Կաւէի ապստամբութիւնը կ'ակնարկուի: Աժդահակ Հրուդէնի հարուածին տակ կ'իյնայ կիսամեռ. աւանդովէսը գիտէ թէ ի Դմբաււընդ շղթայուած է Աժդահակ: Ուստի ինչ որ կը պատմէ խորհնացի Աժդահակի սպանման մասին, օտար է վէպին:

Բ.

Մովսէս խորհնացի իւր վերլուծութեան մէջ յառաջ կը բերէ գծեր, որոնք չեն հայիր Աժդահակի առասպելին. անոնք համայնա՝ վար Մազդակի անձին եւ վարդապետութեան մասին են: Այս տեսակէտէ հետաքրքրական են այս գծերը եւ արժանի մանր նկատողութեան:

Կը գրէ Մովսէս, թէ Բիւրասպի Աժդահակ «սու Ներբովթաւ նախնի նոցա» այս ինքն Պարսից նախապետն եղած է. «սա ոչ քաջութեամբ քան թէ հարստութեամբ եւ ճարտարութեամբ զցեղապետութիւն ազգին իւրոյ ունէր, հնազանդեալ Ներբովթայ. եւ հասարակաց գկեցաղս կամէր ցուցանել ամենեցուն. եւ ասէր ոչինչ իւր առանձին ումեմ ունել պարտ է, այլ հասարակաց: Եւ ամենայն ինչ նորա յայտնի էր բան եւ գործ. եւ ի ծածուկ ինչ ոչ խորհէր, այլ զամենայն յանդիման արտաքս բերէր լեզուաւ զծածուկս սրտին: Եւ զեւ եւ զմուտ բարեկամացն որպէս ի տուրնջեան նոյնպէս եւ ի գիշերի սահմանէր: Եւ այս է առաջին նորա ասացեալ անբարի բարերարութիւնն: — Այլ քանզի աստեղաբանութեամբ հզօր եղեալ՝ յօժարեցաւ ուսանել եւ զկատարեալ չարութիւնն. եւ այսոքիկ անկարելիք նմա. քանզի որպէս վերագոյնն ասացաք՝ սովորութիւն ունէր պատարանաց աղաղաւ առ բազումս՝ ոչինչ ի ծածուկ գործել. եւ <քանզի> զայնպիսի վերջին եւ կատարեալ չարութիւն յայտնի ուսա-

<sup>6</sup> Հմմտ. Ոսկ. Մատթ., Ա., 446. «Փոխանակ երկուց ձեռացն՝ երկու վիշապ յուսոցն արձակեալ կախիցին»:



նեւ կարողութիւն ոչ էր, հնարի այսպիսում դառնութեան հնարս. ցաւս ինչ յորովայնի ունեւ բաղբաղէր չարաչարս, որ ոչ այլով իւրիք քան թէ բանիւ իմն եւ անուամբ սոսկալեաւ բժշկիցի, զոր վայրապար լսել ումեք ոչ է կարողութիւն» (91—92) :

Արդէն Շտաքելբերգ WZKM 12 (1905), 237—238, միտ դրած էր որ Մ. Խորենացոյ այս տողերու տակ համայնաւար Մաղդակի մասին ակնարկութիւններ կը տեսնուին: Կը դրէ Շտաքելբերգ. «Թէպէտ Տաբարի կը պատմէ թէ Ֆերիդուն Դահակին յաղթելէն ետքը հոգ տարաւ որ այն երկրամասերն ու այլ ստացուածքները, զորոնք Դահակ կորուզած էր մարդկներէն, վերադարձուին իրենց նախկին տէրերուն, իսկ անտէր մնացածները բաշխուին աղքատներուն եւ ռաբկներուն», բայց եւ այնպէս կարելի է, պատմագրին այս տողերէն հետեւցնել, թէ համայնաւարական կարգերը այնպէս վաղ հաստատուած ըլլան, ինչպէս Մ. Խորենացի կ'ենթադրէ, որ Աժդահակի կը վերագրէ զանոնք: «Մեզի այնպէս կ'երեւայ թէ Մովսէս Խորենացոյ այս տողերը Մաղդակի վարդապետած պարսիկ համայնաւարական աղանդի մասին ակնարկող յուշեր են: Այս անդրադարձութիւնները Մովսէսին են քան աւանդութեանը. Մովսէս գիտած է ասով իւր Մեկենասը անհեղեղ առասպելներէ ետ կեցնել»:

Թէ ինչ կ'իմանայ Մովսէս «զամենայն յանդիման արտաքս բերէր զժածուկս սրտին», բացայայտ է. յամենայն դէպս Պարսից Առասպելին անծանօթ է այս: Բայց կ'երեւայ թէ համայնաւարական սկզբունքէ բխած վարդապետութիւն մըն է, որ կը խոտէ դիւանագիտական գաղտնի դաշնադրութիւնները, եւ ոչ միայն դիւանագիտական, այլ եւ կենցաղական ամէն գաղտնի յարաբերութիւնները, որ մասամբ բռնապետական սկզբունքներու կը յարի: Մովսէս է նաեւ «կատարեալ չարութեան» գիտութիւնը, որուն հասնիլ կը ձգտէր աղանդապետը:

Աղանդապետը «ցաւս ինչ յորովայնի ունեւ բաղբաղէր չարաչարս». Ի՞նչ հիւանդութիւն էր այս, «որ ոչ այլով իւրիք քան թէ բանիւ իմն եւ անուամբ սոսկալեաւ բժշկիցի»: Խորենացի անպատշաճ կը համարի այս «սոսկալի բանն եւ անունը» գրի առնել. անոնք առանց տարակուսի դիւահարի անհամեստ եւ ամբարիշտ հայհոյութիւններն էին: Պարսից Առասպելը նաեւ այս «կատարեալ չարութեան» կամ «անբարի բարերարութեան» անծանօթ է:

Թեան» կամ «անբարի բարերարութեան» անծանօթ է:

Ամբողջը Մաղդակի վարդապետութեան մերձեցման համար կռուան կ'ընծայէ մեզի Խորենացոյ հետեւեալ տեղիքը. «Հասարակաց զկենցաղս կամէր ուսուցանել ամենեցուն. եւ ասէր ոչինչ իւր առանձին ումեք ունեւ պարտ է, այլ հասարակաց», ուստի ինչք, ստացուածք, նաեւ կին:

Այս վարդապետութիւնը Պարսկաստանի մէջ քարոզեց առաջին անգամ Մաղդակ, որ յայտնուեցաւ Կաւատի Թաղաւորութեան (490—527) առաջին տարիներուն: Մաղդակի վարդապետութեան մասին համառօտիւ ակնարկութիւն ունին եւ անոր ժամանակակից մատենագիրք. աւելի ընդարձակ կը խօսին արաբ հեղինակներ եւ Ֆիրդուսի:

Մաղդակեան աղանդի հիմնադիրը առ հասարակ կը ներկայացուի Մաղդակ որդի Բամդատի: Տաբարի կը գրէ թէ մաղդապական աղանդին բուն հիմնադիրն եղած է Զարադուշտ որդի Խորականի ի Պասայ. իսկ Մաղդակ անոր առաքեալն եղած է ժողովրդեան քով: Ըստ այսմ ստացուածոց եւ կանանց հասարակաց ըլլալու վարդապետութիւնը կրնար աւելի կանուխ քարոզուած ըլլալ, որչափ ալ անծանօթ մնայ մեզի Խորականի որդւոյն Զարադուշտի ժամանակն եւ անձը: Յամենայն դէպս այս Զարադուշտը պէտք է նոյնացնել Զրուանի հետ, որ Պուրուշասպայի որդին էր:

Մաղդակի հայրենիքը Դինաւարի կը նշանակէ Ստահր. Տաբարի զայն Մաղարիյա կ'անուանէ: Աղանդապետի Մաղդակ անունն արտասանութիւնը բոլորովին ստոյգ է: Թէպէտ արաբ հեղինակները առ հասարակ Mazdak կը կարդան, բայց ճաքութի գիտէ նաեւ Mazdak = Մաժդակ: Կայ Mizdak գրութիւնն ալ (Նէօլլեկէ, 456): Արմատը Մաժդ- կրնայ թերեւս համեմատուիլ Մաժդ-ոցի հետ, որ նաեւ Մաշոոց եւ Մաշթոց կը գրուի: Արդեօք Մ. Խորենացի, որ չփոխած է Մաժդակ եւ Աժդահակ անունները, անուանց նմանաձայնութենէն չէ՞ մոլորած:

Ֆիրդուսիի համաձայն Մաղդակ Կաւատի արքունիքին մէջ դանձապահ էր: Իր վարդապետութիւնը այսպէս սկիզբ առաւ. Երան աշխարհի մէջ անյաջող հոռւձքի հետեւութեամբ ուստիկ սով տեղի կ'ունենայ: Ժողովուրդը անտանելի նեղութեան մէջ կ'իյնայ, մինչդեռ արքունիքն եւ նախարարական տունները մթե-

րած առատ ցորեն իրենց շտեմարաններու մէջ զերծ մնացին սովէ։ Ժողովուրդը շատ անգամ ձայն բարձրացուց. հաց կը պահանջէր։ Այս ընդհանուր սովը կ'երեւայ թէ յուզած է Մազդակի սիրտը։ Գնաց անիկա թագաւորին եւ առակով հարցուց անոր, թէ ինչ ընելու է ժողովրդեան վիշտը թեթեւցնելու համար։ Եթէ մարդ մը, ըսաւ, թունաւոր օձէ մը խայթուի եւ դրացին հակաթոյն մ'ունենայ եւ չուզէ տալ եւ մարդը մեռնի, կարելի՞ է աւոր մահուան պատճառը դրացին համարիլ։ Ի հարկէ, պատասխանեց թագաւորը. եւ եթէ ամբաստանուի այնպիսին, պէտք է դատապարտել, որովհետեւ չխափանեց ընկերոջ մահը, զոր կարող էր։ Նոյն իմաստով երկրորդ հարցում մ'ալ ուղղեց Մազդակ թագաւորին եւ ընդունեցաւ նման պատասխան մը։

Ասոր վրայ իրաւունք համարեցաւ Մազդակ արքունի շտեմարաններու մէջ պահուած ցորենները բաժնել սովեալներուն։ Երբ համար կը պահանջէ թագաւորը Մազդակէն արքունի ցորեններու վատման մասին, կ'արդարացնէ ինքզինքը Մազդակ նոյն ինքն թագաւորին տուած պատասխաններով։ Լսելով զայս թագաւորը՝ կը խնդրէ Մազդակէն, որ իր այս նորայուր վարդապետութեան մասին իրեն աւելի մանրամասն ճառէ։ Այն ատեն կը յայտնէ Մազդակ, թէ ինքը անարդար կը համարի երբ կը տեսնէ թէ մարդիկներէն ոմանք կ'ապրին յոյսութեան մէջ, մինչ որ իր չնոր դուրկ սոխէն կարելոյ՝ կը տառապին. պէտք է աշխարհի վրայ ոչ հարուստ եւ ոչ աղքատ ըլլայ. երկրաւոր կենցաղը ապրելու համար ամէն մարդ հաւասար իրաւունք ունի։ Մարդ հինգ դեւէ պէտք է զգուշանալ. ասոնք են. Նախանձ, ցանկութիւն, ազահութիւն, բարկութիւն եւ վրէժխնդրութիւն։ Կանայք եւ ստացուածքներն այն առարկաներն են, զորոնք իրրեւ գործի ունին դեւերը իրենց ձեռքը։ Եթէ կանայք եւ ստացուածքները հասարակաց ըլլային, պիտի դադրէին անոնց պատճառաւ ծագած չարիքները։ Կաւատ համոզուեցաւ, թէ ուղիղ են Մազդակի պատճառաբանութիւնները եւ դաւանեցաւ անոր վարդապետութիւնը։ Այսպէս ըստ Ֆիրդուսի, թէ եւ ուրիշներ կ'ըսեն թէ Կաւատ որովհետեւ կ'ինքնը կը սիրէր, անոր համար յարեցաւ մազդակեան վարդապետութեան։ Բայց այն ստոյգ է որ թագաւորը իւր կ'ինքնէն եւ

ոչ մէկը դրաւ հասարակաց տրամադրութեան։

Մազդակի վարդապետութիւնը շուտով տարածուեցաւ։ Անոր յարեցան մանաւանդ աղքատներն եւ ժողովրդեան ստորին դասակարգը, որոնք անպաշտպան էին։

Թէ ամուսնութիւնը սկզբունքով վերցուցած է Մազդակ, այս մասին ուղղակի բան մը չեն ըսեր արաբ հեղինակները. բայց բազմակին ընտանիքներէ կանանց բռնութեամբ յափշտակութիւնն եւ ստացուածքներու եւ զստակարգի զանազանութեան բարձումը ի հարկաւորութենէ առ այն կ'առաջնորդէր։ Թէ ընտանիքի քայքայումը տեղ տեղ արդէն ընթացք առած էր Մազդակեաններէ, կը հատուտեն արաբ մատենագիրները։

Կաւատ օգտագործեց այս շարժումը քայքայելու համար ազնուականներու ոյժը. բայց ինքնին ոչ իւր դանձերն եւ ոչ իւր կ'ինքնը տուաւ անոնց։ Յամենայն դէպս Յոսուէ Սիւնակեացի եւ Պրոկոպիոսի խօսքերէն կ'երեւայ թէ Մազդակէն քարոզուած վարդապետութեան հիմնական բովանդակութիւնն էր կանանց հասարակաց ըլլալը. ասկէ տարբեր բան չի պատմեր նաեւ Ֆիրդուսի։

Մազդակ իւր վարդապետութեան տուած էր կրօնական լրջութիւն։ Անիկա ամէն չարիաց սկիզբը կը դնէր նախանձն, բարկութիւնն եւ ընչաքաղցութիւնը, որոնք կը յառաջադայեն դեւերէն եւ կը խանգարեն Աստուծոյ սահմանած հաւասարութիւնը։ Բնականաբար իր մարդասիրական վարդապետութեան — «անբարի բարերարութեան» ըստ երեւութիւն անհերքելի տրամաբանութիւնը պիտի հաճոյանար ամէնչն աւելի ստորին դասակարգին, որոնք անպաշտպան էին։ Կրօնական հոգի վրայ հիմնուած էր նաեւ մազդակեանց արիւն չթափելու եւ միա չուտելու արգելիչ պատուիրանը։

Ի սկզբան դիմադրութիւն չկրեց Մազդակ. թէպէտ ի ծածուկ հակառակ էին անոր ազատները։ Քանի մը տարի ետքը յայտնուեցաւ տփզոհութիւնը։ Տփզոհներուն յարեցան մոգերը։ Բարձրացուեցաւ ապստամբութեան դրօշը. պարագլուխներն էին մոգպետները։ Ապստամբներու ձեռքը ինկեան Կաւատ եւ Մազդակ. վերջինս կրցաւ իւր հետեւողներու օժանդակութեամբ փախուստի դիմել։ Հաւանօրէն երկիւղ զգալով մազդակեանց մեծ

Թուէն՝ մեղմ վարուեցան ապստամբները թագաւորին հետ. Կաւատ բանտարկուեցաւ. եւ անոր եղբայրը Ջամասպ թագաւոր հռչակուեցաւ: Բայց յաջողեցաւ Կաւատ փախչիլ բանտէն եւ ապաստանարան գտնել Հեփթաղներու քով. քիչ յետոյ վերադարձաւ Կաւատ եւ ձեռք բերաւ միւսանգամ գահը: Մագդակեանները նորէն հաւաքուեցան իր շուրջը:

Անցան տարիներ: Կաւատ մտահոգուած էր թագին ժառանգի մասին: Մագդակեանց թիկնածուն էր Փթասուարսաս, որ Կաւատի ըստ երիցութեան՝ երրորդ որդին էր, կըրթուած մագդակեան վարդապետութեամբ: Մոգերը եւ ուղղափառ կուսակցութեան անդամները կը պաշտպանէին Սոսրովի, Կաւատի չորրորդ որդւոյն թիկնածութիւնը. անոնց հետ էր նաեւ Կաւատ:

Ջերմ փափազը, որ գահին վրայ իրեն յաջորդ ունենայ զՍոսրով, պատճառ եղաւ Կաւատի, որ իր կեանքի վերջին օրերուն բախում ունենայ Մագդակեանց հետ, որոնց ոյժը ինքն էր ստեղծած, որոնց վարդապետութեան յարած էր եւ որոնց բարեացակամ վերաբերութիւնն իր հանդէպ այնպէս մեծամեծ ծառայութիւններ մատուցած էր իրեն: Մագդակեանք դիտէին թէ իրենց ղեկավարութեան համար անհրաժեշտ էր արքայական պաշտպանութիւնը. պէտք է ամէն քար շարժէին նոյն պաշտպանութիւնը, եւ կամ գոնէ հանդուրժողութիւնը ապահովելու համար: Իրենք ղեկինք կը զգային հզօր եւ համոզուած էին թէ իրենց կուսակցութեան ծրագիրը պիտի կարենան ի հարկին նաեւ բռնութեամբ ի գլուխ հանել: Իրաց զրութեան վրայ վստահ՝ խնդրեցին Կաւատէն, որ զՓթասուարսաս առ կենդանութեան յաջորդ հռչակէ: Բայց խընդիրը ուրիշ ելք ունեցաւ: Կաւատ ինք ղինքը Մագդակեանց առաջարկութեան համաձիտ ընծայելով՝ հրաման տուաւ, որ անոնք իրենց որդիներով եւ կիներով ըստ կարի մեծաթիւ ներկայ ըլլան թագադրութեան հանդիսին: Երբ հաւաքուած էին՝ հրամայեց որ Մագդակեանները այլադէմներէն բաժնուած մէկ կողմը տեղ առնեն, պատրուակ բերելով թէ ինքը կը փափազի որ թագադրութեան արարողութեան կարեւոր մասերը Մագդակեանները կատարեն: Հաղիւ թէ անջատուժ տեղի ունեցած էր եւ Մագդակեանք միամիտ համախմբուած, պատրաստ կանգնած զօրականը հրաման ընդունեցաւ յարձակիլ անդէն Մագ-

դակեանց վրայ եւ կոտորել զանոնք անխնայ. արեան ահաւոր նախճիր գործուեցաւ տեղւոյն վրայ: Ի մէջ այլոց սպանուեցաւ Մագդակեանց առաջնորդը՝ Ինդագար (Ինդարապար): ապա հրաման ելաւ որ փնտռեն նաեւ նահանգներու մէջ գտնուած Մագդակեանները եւ կոտորեն: Այսպէս ըստ յունական աղբերաց:

Քիչ մը տարբեր կը պատմէ Ֆիրդուսի. Մագդակեանք կը կասկածէին Սոսրովէն. Մագդակ անցած 100.000 կուսակիցներու գլուխը ցոյց մը կը սարքէ. ցոյցին նպատակն էր յայտնել իրենց հպատակութիւնը թագաւորին. միաժամանակ ղենել թագաւորին առջեւ թագաժառանգ Սոսրովի հանդէպ նոր վարդապետութեան ցոյց տուած անտարբերութիւնն եւ պահանջել, որ Սոսրով գրաւոր յանձն առնէ հին կրօնէն հրաժարիլ եւ յարիլ նորին: Սոսրով ընդդիմացաւ, ըսելով թէ ինքը մագդակեան վարդապետութիւնը հերձուածողական կը համարի. եւ խնդրեց որ տրուի իրեն վեցամսեայ ժամանակ մը, իր ապացոյցները հրապարակի վրայ ղենելու համար, որ եւ շնորհուեցաւ: Սոսրով օգտագործելով ժամանակը՝ մէկ կողմէն հմտաւոր մոգպետները քաղաք հրաւիրեց, միւս կողմէն պատրաստութիւններ տեսաւ: Ժամադիր ժամուն տեղի ունեցաւ վիճաբանութիւնը Մագդակեաններու եւ Մագդեղեանն միջեւ: Դժուարին չեղաւ վերջիններուն ապացուցանել, թէ Մագդակի վարդապետութիւնը բովանդակ պետութիւնը քայքայման կը մատնէ, սրովհետեւ այն ոչ միայն գասակարգային կարգերը կը բառնայ, այլ եւ ընտանիքի դադափարը կը ջնջէ: Ասոր վրայ հրաման կ'ընդունի Սոսրով իւր հօրմէն կոտորել բնաջնջել Մագդակեանները: Մագդակ կախաղան կը հանուի: Ֆիրդուսիի ուրիշ օրինակ մը, զոր ունեցած է Մոհլ աչքի առաջ, կը պատմէ թէ Մագդակ, որովհետեւ թագաւորէն անոր աղջիկը, գահն ու թագը պահանջած էր, անոր հրամանաւ եռացեալ կուզրի (ձիւթի) մէջ կը նետուի: Այս կը պատահի 528 կամ 529 թուին:

Մագդակի մասին Սորենացւոյ լսած աւանդութիւնը բազմօք նման է Յոյն եւ Պարսիկ աղբիւրներու հաղորդած գծերուն: Անշուշտ աւանդութիւնը, լսուած բերնէ բերան զանազան աշխարհներու մէջ, պիտի ունենար իւր խոտորող գծերն ալ. եւս առաւել Սորե-

նացույ գրչին տակ, որ Աժդահակի եւ Մազդակի գրոյցները ձուլած է ի մի իւր սեպհան եւ բռնագործիկ ըմբռնումներով:

Ուշագրութեան արժանի է Պորենացույ քով յատկապէս այն տեղիքը, ուր անիկա կը նկարագրէ իւր Ստորագրութեան մէջ Աժդահակի կատարածը, որ բոլորովին աննման է առասպելին, նոյն իսկ հակասութեան մէջ է անոր հետ: Առասպելը, իւր բոլոր տարբերակներու մէջ, գիտէ թէ Աժդահակ Հռուդէնէն չլիցայուած տարուած է Դմբաւընդ լեռը եւ հոն քարայրի մը մէջ ժայռին բեւեռուած. եւ կենդանի է հոն դեռ այսօր: Այս կէտը անտեսելով Մովսէս իւր Ստորագրութեան մէջ կը գրէ թէ «... ի սաստիկ վարելոյն զնա (զԱժդահակ)՝ թօթափեցաւ ամբոխ նորա ի նմանէ. յայս վստահացեալ վարդապետ զնա՝ հանգեան աւուրս ինչ զտեղեօքն: Եւ Բիւրասպեայ ժողովեալ զգրուեալսն<sup>1</sup> յանկարծօրէն հասանէ ի վերայ նոցա (հալածչացն) փնտ սաստիկ առնելով. այլ յաղթէ բազմութիւնն (նմա) եւ փախստական լինի Բիւրասպի. եւ հասեալ սպանանեն զնա [մերձ ի լեռանն<sup>2</sup>] եւ ընկենուն ի վիհ մեծ ծծմբոյ»:

Այս տեղ կը տեսնենք մենք Մազդակեանց վրայ առաջին եւ երկրորդ յարձակումներու մասին ակնարկութիւններ. առաջին յարձակումէն ետքը կրցան Մազդակեանք իրենց ոյժը նորէն ժողովել. բայց պարտուեցան երկրորդին մէջ. Մազդակ Ֆիրդուսիի համաձայն «ի գուր եռացեալ ձիթոյ» նետուեցաւ եւ Մ. Պորենացույ համաձայն «ընկենուն զնա ի վիհ մեծ ծծմբոյ». պարտւայ մը, որ չէր պատշաճէր Բիւրասպի Աժդահակայ առասպելին, ճշգիւ կը համապատասխանէ Մազդակի պատմական վէպին: Անշուշտ «ձիւթի» եւ «ծծումբի» մէջ մեծ տարբերութիւն զնելու չէ, նկատի առնելով որ պատմութեանքը երկու հեղինակներու քով ալ աւանդութենէն քաղուած է:

Հ. Ն. ԱՅԻՆՆԱՆ



<sup>1</sup> Ի օրինակը կը կարգւայ. ժողովեալ զգրուեալ սակաւ զօրսն:

<sup>2</sup> Ի օրինակը չունի «մերձ ի լեռանն»:

## ՀԱՅՏԵՐԷՆ ԸՆԵՏԱՐԱՆՆԵՐՈՒ ՍԵՋՐՆԱԳՐԻ ՀԱՐՏԸ ԵՒ ԱԳԱԹԱՆԳԵՂՈՍԻ ՈՒ ՂԱԶԱՐ ՓԱՐՊԵՑԻՈՑ ԿԱԶՈՒՄՆԵՐԸ

(Շարունակութիւն):

ԱԳԱԹԱՆԳԵՂՈՍ ԵՒ ՓԱՐՊԵՑԻ ԻՆԳՆԱԿԱՑ

Ազաթանգեղոսի ու Փարպեցույ կոչումները զաստուորելու ժամանակ՝ յաճախ դժուար է որոշել, թէ արդեօք անոնց շեղումները Ձ. ի բնադրէն իբր ազաթ յառաջընթացութիւն պէտք է նկատել, թէ հայերէն Աւետարաններու տարբեր բնագրի մը վերագրել, եւ այն՝ ի՞նչ չափով: Նախորդ յօդուածով ջանացինք ապացուցանել, որ երկու պատմագրերուն ալ կիրարկած Աւետարանները լիովին չեն համաձայնիր Ձ. ի բնագրին հետ. մենք գտանք հոն չօչափելի քանակով ընթերցուածներ, որոնք Տաթիանեան Համարարբառի լայն գործածութեան ու ազդեցութեան անհերքելի վկաներն են: Այս պարագան միայն բաւական պիտի ըլլար մեծ զգուշութիւն պարտադրելու մեզի. միւս կողմէ սակայն պատկառ չեն զօրաւոր օրինակներ ի նպաստ լայն ըմբռնուած աւատութեան մը: Յաջորդ էջերուն կը յանձնենք լուսարանել զայս:

Մատթ. Բ. 6. Եւ դու Բեթղեհէմ (Ա. Բեթղահէմ) ոչինչ կրսեր վիճակաց հասեր. ի քէն ծագեսցի ինձ պետ եւ իշխան տանն Իսրայէլի, եւ ելք նորա ի սկզբանէ աւուրց աշխարհի. Ա. 193, Միքէ Ե. 2. Եւ դու Բեթղահէմ տուն Եփրաթայ, սակաւաւոր իցես լինել ի հազարաւորս Յուդայ, ի քէն ելցէ ինձ լինել իշխան (տ. ելցէ ինձ իշխան) Իսրայէլի, եւ ելք նորա ի սկզբանէ աւուրց աշխարհի: Ա. Միքէէն կ'առնէ վերջաւորութիւնը, սակայն նա կը շեղի Մատթէոսէն իւր կրճատումով ու յաւելուածով. Մատթ. Բ. 6. Եւ դու Բեթղահէմ երկիր Յուդայ, ոչինչ կրտսեր (տ. կրսեր) ես յիշխանս Յուդայ, ի քէն ելցէ ինձ իշխան, որ հովուեսցէ զժողովուրդ իմ զԻսրայէլ:

Գ. 14. Ինձ պարտ է (Չ. պիտոյ է) ի քէն մկրտել. Ա. 204. Տ կը համաձայնի մասամբ Աւետարանի հետ լեզուական տեսակէտէ: Ինձ պիտոյ է ի քէն կնիք առնուլ. Տ 91. այլուր կիսատ թողած է. Ես կարօտ եմ. Տ 96:

Գ. 10. (ամենեցուն զայն դէկը ի մօտ, գի) Տեառն Աստուծոյ իւրեանց (Ե մերում) միայն երկիր պապցեն (Ե պապցուք, Ա. պա-